



BASES REGULADORAS DAS ACTIVIDADES EXTRAESCOLARES MUNICIPAIS
DO CONCELLO DE BARBADÁS CURSO 2020/2021

Artigo 1. Obxectivo e ámbito de aplicación.

- As presentes bases teñen por obxecto regular o procedemento de admisión e funcionamento das actividades extraescolares municipais impartidas nos centros docentes CEIP Filomena Dato e CEIP O Ruxidoiro pertencentes ao ámbito municipal do Concello de Barbadás.
- Os obxectivos serán os seguintes:
 - Complementar a formación recibida nos centros docentes.
 - Colaborar na conciliación da vida laboral e persoal das familias.
 - Potenciar nos menores o desenvolvemento das habilidades sociais, das capacidades de expresión e creación.
 - Ofrecer aos menores diferentes formas saudables de vivir o lecer e tempo libre con outros/as nenos/as de forma creativa e participativa.

Artigo 2. Destinatarios

As actividades extraescolares municipais están dirixidas a nenos/nenas matriculados/as nos centros educativos pertencentes ao ámbito municipal do Concello de Barbadás (CEIP Filomena Dato e CEIP O Ruxidoiro) durante o curso 2020/2021.

Artigo 3. Requisito para a admisión

Serán requisitos indispensables para a admisión do neno/a nas actividades extraescolares municipais:

- Estar ao corrente de pago dos cursos anteriores.
- Estar matriculado/a no centro docente para o que se solicita a actividade extraescolar no curso 2020/2021.

Artigo 4. Nº de prazas ofertadas.

As prazas ofertadas quedarán condicionadas as disposicións aplicables que a administración autonómica e estatal dispoñan en relación coa apertura dos centros



educativos e a distribución de espazos dentro dos mesmos, con motivo da incidencia do COVID-19.

Para que se leve a cabo a actividade extraescolar será preciso un número mínimo de 8 nenos/as. O número máximo de nenos/as por actividade extraescolar será de 15.

Artigo 5. Horario e calendario.

As actividades extraescolares municipais seguirán o calendario escolar aprobado por cada un dos centros docentes, considerándose non lectivos os días que nestes figuren.

As actividades comezarán o día 1 de outubro de 2020 e rematarán o día 31 de maio de 2021 no horario e día que corresponda a cada unha das actividades.

Artigo 6. Lugar de desenvolvemento.

As actividades desenvolveranse nos espazos cedidos por cada un dos centros educativos e aprobados polo Consello Escolar, previa petición do Concello.

Artigo 7. Funcionamento

- A baixa dun/ha alumno/a nunha actividade extraescolar deberase comunicar no mes anterior ao que se desexa a baixa, cumprimentando a correspondente solicitude de baixa.
- No caso de que o comportamento dun alumno/a afecte ao normal funcionamento da actividade procederase a avisar á familia, e de persistir, a dar de baixa ao alumno/a en dita actividade.
- Para poder ser beneficiario/a do “servizo Actividades Extraescolares”, o/a neno/a non poderá faltar, sen xustificar, a mais de tres clases nun trimestre. De non ser así darase de baixa ao neno/a da actividade extraescolar.
- Poderán establecerse novas normas de uso derivadas da aplicación de protocolos de uso das instalacións dos centro educativos con motivo da incidencia do COVID-19.

Artigo 8. Criterios de adxudicación

- No caso de que o número de prazas solicitadas non supere o número de prazas ofertadas, a adxudicación de prazas realizarase de forma directa.



- No caso de que o número de prazas solicitadas si supere o número de prazas ofertadas: resolverase usando como criterio, o resultado obtido o 26 de febreiro do Sorteio anual de letras de prioridade no procedemento de admisión 2020/2021 da Xunta de Galicia (artigo 29 da Orden do 12 de Marzo de 2013).
- As solicitudes acompañadas por informe social terán, en todo caso, dereito a praza.

Artigo 9. Documentación a achegar

Aqueles alumnos/as que soliciten bonificación deberán aportar, xunto coa inscrición, a documentación requirida para ser beneficiarios dela:

- No caso de bonificación por desemprego: as tarxetas de demandantes de emprego do/s proxenitor/es.
- No caso de familia monoparental, libro de familia e xustificación dos ingresos obtidos pola unidade familiar durante o ano 2019.
- No caso de familia numerosa, libro de familia ou carné de familia de numerosa e xustificación dos ingresos obtidos pola unidade familiar durante o ano 2019.
- No caso de solicitar a bonificación de ingresos da unidade familiar familiar por debaixo do IPREM, deberá presentar a xustificación dos ingresos obtidos pola unidade familiar durante o 2019.

Artigo 10. Prazos e lugar de presentación de inscricións.

O prazo para a presentación de solicitudes será dende o día 13 de xullo ata o día 7 de agosto de 2020.

A solicitude debidamente cumprimentada xunto coa documentación que corresponda a cada caso deberá presentarse por unha das seguintes formas:

- De forma telemática a través da sede electrónica do Concello de Barbadás <https://barbadas.sedelectronica.gal>.
- De forma presencial no rexistro con cita previa (Casa do Concello 988360000, Oficinas A Valenzá 988393168).
- En calquera dos rexistros establecidos no artigo 16 da Lei 39/2015.

As solicitudes estarán dispoñibles na páxina web do Concello (www.barbadas.es)



Artigo 11. Publicación dos admitidos/excluídos

O listado provisional de admitidos/as publicarase o día 4 de setembro de 2020 na páxina web do Concello de Barbadás (www.barbadas.es) e nos taboleiros de cada un dos colexios. Os listados definitivos publicaranse o 18 de setembro de 2020.

Artigo 12. Solicitudes de alta fóra de prazo de inscrición.

Estarán suxeitas ás prazas dispoñibles. De non existir praza, pasarán a formar parte da lista de espera.

Artigo 13. Custo do servizo.

O custo do servizo ten carácter de taxa, con carácter xeral, o seu importe é de 5 euros/mes por cada actividade (regulado na Ordenanza municipal da taxa pola prestación do Bos días Cole e Actividades Extraescolares). Aquelas actividades que precisen material específico, poderán ter un cargo adicional, (circo científico e robótica 10 euros/mes cada unha).

Artigo 13.1: Bonificacións.

A taxa poderán aplicarse as seguintes bonificacións (reguladas na Ordenanza municipal da taxa pola prestación do Bos días Cole e Actividades Extraescolares) a quen acredite a concorrencia das circunstancias que as xustifican:

- Aplicarase unha bonificación do 100% do custo da taxa cando o/os proxenitor/es que ostenten a custodia estén en situación de desemprego. Os/as beneficiarios/as deberán presentar antes de cada cargo a tarxeta do paro para obter dita exencións.
- Aplicarase unha bonificación do 50% do custo da taxa ás familias monoparentais (*definidas según o artigo 13 da Lei 30/2011, de 30 de xuño, de apoio á familia e á convivencia en Galicia*) cunha renda per cápita mensual que non supere o IPREM.
- Aplicarase unha bonificación do 50% do custo da taxa cando o/a neno/a teña unha situación económica na que o cómputo dos ingresos anuais da unidade familiar sexan inferiores ao IPREM.



- As familias numerosas (definidas según o artigo 2 da Lei 40/2003 de 18 de novembro, de protección ás familias numerosas) cunha renda per cápita mensual que non supere o IPREM, aplicaráselles un desconto do 50% sobre o custo da taxa.

As bonificacións deberán solicitarse coa inscrición.

Artigo 14. Forma de pago.

O prezo da taxa farase efectivo en entidade bancaria mediante emisión de recibos. Estes recibos emitiranse do 1 ao 10 do primeiro mes de cada trimestre.

No suposto de devolución dun recibo, a área responsable do servizo comunicará ao usuario/a, mediante os datos a efectos de notificación indicados, dita devolución fixando un prazo de 10 días para presentar o xustificante de ter feito efectivo o pago mediante ingreso bancario no número de conta que se lle facilitará a tal efecto.

O non cumprimento, dentro dos prazos previstos, do pago das cotas, levará á baixa automática do alumno mediante un comunicado escrito do Concello de Barbadás.

Se alguén se da de baixa antes da finalización do trimestre, non lle será devolto o importe aboado, quedará dado de baixa para o trimestre seguinte.

Artigo 15. Accidentes e lesións

O Concello de Barbadás dispón dun seguro de responsabilidade civil en caso de lesión ou accidente. O Concello proporcionará a súa aseguradora un listado de todos os/as alumnos/as que estén inscritos nas actividades extraescolares municipais que o Concello de Barbadás propón para o curso 2020-2021.

O mal comportamento nas actividades extraescolares municipais do/a neno/a a criterio do responsable da actividade suporá a baixa inmediata, non podendo aproveitarse outra vez da mesma ao longo do curso, sen ter dereito ao reintegro do pago.



CONCELLO DE BARBADÁS Concellería de Educación

O Concello de Barbadás resérvase os cambios oportunos que poida considerar necesarios para o bo desenvolvemento das actividades extraescolares.

A participación nas actividades extraescolares municipais supón a aceptación das presentes bases



